

**PETIKAN TULISAN
SUCI UNTUK
DIHAFAL:**

Bangunlah,
dan
kuatkanlah
apa yang
masih tinggal
yang sudah
hampir mati.

(Wahyu 3: 2

la adalah masa apabila Allah akan mendirikan kerajaannya, masa untuk penghakiman, apabila akan ada damai sejahtera. Adalah menjadi panggilan Tuhan agar kita berjalan dalam terangnya sementara kita menanti kedatangannya yang kedua.

Santo Paulus memberitahu kita bahawa masa depan adalah sekarang, bahawa tidak ada lagi masa untuk disia-siakan. Dia memberitahu kita untuk berjaga-jaga terhadap sikap berpuas hati dan perbuatan jahat. Kita dapat merasakan betapa mendesak suaranya. Ia adalah masa untuk bangun. Kita mesti sekarang berkelakuan dengan betul dan tidak berlengah-lengah. **Kita mesti membuang sisi gelap kita dan mengenakan perisai terang**, yang merupakan perisai Kristus. Masanya adalah sekarang.

Dalam injil, Yesus menyentak ingatan para pengikutNya dengan kisah Nuh dan air bah yang besar. Tiada siapa yang tahu apa yang akan berlaku dan bila ia akan berlaku ketika itu. Supaya pengikut-pengikutNya lebih memahami, Dia menambah analogi tuan rumah yang akan berjaga-jaga jika dia tahu pencuri datang untuk menceroboh rumahnya. Demikian juga, pada hari ini tiada siapa yang akan tahu bila Anak Manusia akan datang lagi dan membawa penghakiman ke atas kita. Yesus memberitahu kita untuk berjaga-jaga dan bersiap sedia untuk kedatangannya supaya kita tidak akan terperangkap dalam keadaan tidak sedar dan tidak berdaya.

Adven adalah masa yang baik untuk mula mempersiapkan diri, untuk berjaga-jaga supaya kita tidak terkejut pada Hari Penghakiman seperti yang kita ketahui. Setiap tahun, Gereja memberi kita tempoh persediaan ini - peluang kedua. Dia juga memberi kita masa ini untuk menyediakan hati kita untuk membenarkan Yesus masuk semula sambil kita menantikan untuk meraikan kelahiran bayi Kristus yang membawa janji harapan, kedamaian dan sukacita. ✨

**AYAT SUCI
MINGGU INI**

Yesaya 2: 1-5;

Mazmur 121: 1-2, 4-9;

Roma 13: 11-14;

Matius 24: 37-44.

Newtbec

NEW WAY OF BEING CHURCH

Hari Minggu Adven Ke-1

GARAM DAN TERANG DUNIA: PERSEKUTUAN, PENYERTAAN DAN MISI

FOKUS BULANAN:

HARI BELIA SEDUNIA/HARI ORANG MUDA (20 NOVEMBER)

Berjaga-jagalalah; Bersiap Sedia

Perkara utama dalam bacaan hari ini ialah "Berjaga-jaga, bersiap sedia". Hari Minggu ini menandakan permulaan tahun liturgi baru kita di mana kita akan mendengar kebanyakan Injil Matius semasa misa.

Penglihatan nubuatan Yesaya mengingatkan kita akan janji Tuhan.

Dia mendedahkan masa yang kita nantikan apabila rumah Tuhan akan ditinggikan, menarik orang-orang yang setia kepadanya, umat pengharapan yang menunggu ajaran dan bimbinganNya supaya dapat hidup sebagai umat Allah.

